

# Almir Selimbašić, profesor geografije - Magistarski rad

Fakultet/Akademija	PRIRODNO MATEMATIČKI FAKULTET
Tip Rada	Magistarski rad
Kandidat, zvanje	Almir Selimbašić, profesor geografije
Naziv Teme	GEOGRAFSKE ODLIKE OPĆINE KLADANJ I NJIHOVA VALORIZACIJA U TURIZMU
Rezime/Abstract	<p>Povoljni prirodno-geografski i društveno-geografski uvjeti općine Kladanj bili su presudan faktor za naseljenost na ovom prostoru još od davnih vremena. Na ovom području kroz dugi vremenski period smjenjivali su se različiti narodi i njihove kulture koje su značajno uticale na antropogeografski razvoj ovog prostora. Čovjek je u današnje vrijeme sve više izložen različitim pritiscima, stresovima, zagađenju što sistemski narušava njegovo zdravlje i utiče na njegove psiho-fizičke sposobnosti. Odmor se stoga nameće kao neophodnost kojom se regeneriše čovjekova sposobnost da nastavi sa svakodnevnim aktivnostima. U tom smislu općina Kladanj može dosta da ponudi. U radu smo prezentirali fizičko-geografske i društveno-geografske odlike općine Kladanj koje se mogu iskoristiti za razvoj raznih vidova turizma. U prvom poglavlju odnosno uvodu rada određene su smjernice u istraživanju, odnosno pravci u kojima bi trebalo da ide istraživanje. U drugom poglavlju objašnjena je metodologija izrade rada, gdje je obrazložen predmet rada, cilj, hipoteze, metode istraživanja te očekivani rezultati i doprinos istraživanja. U trećem poglavlju obrađen je geografski položaj općine Kladanj, odnosno matematičko-geografski položaj, fizičko-geografski položaj (geološki, geomorfološki, klimatski, hidrografski, pedološki i vegetacijski) te društveno-geografski (historijsko-geografski, administrativni, ekonomsko-geografski i saobraćajno-geografski). Općina Kladanj ima veoma povoljan geografski položaj za razvoj turizma. U četvrtom poglavlju prezentirane su prirodno-geografske odlike općine Kladanj. U ovom poglavlju obrađeni su osnovni podaci o geološkom sastavu terena općine Kladanj, zatim o geomorfološkim, klimatskim, hidrološkim odlikama prostora, te na kraju o pedološkim i vegetacijskim odlikama prostora općine Kladanj. U građi stijena općine Kladanj učestvuju sedimentne, magmatske i metamorfne stijene. U geomorfološkom pogledu prostor općine Kladanj je vrlo interesantan, jer se na tom prostoru mogu izdvojiti različiti morfogenetski tipovi terena. Klima i litološki sastav terena na prostoru općine Kladanj imaju velikog uticaja i na formiranje riječnih tokova, obrazovanje tala, te vegetacijske strukture. Sve ove prirodno-geografske odlike općine Kladanj su pogodne za razvoj raznih vidova turizma. U petom poglavlju obrađen je historijsko-geografski razvoj općine Kladanj u kome su prezentirani podaci o razvoju općine Kladanj kroz historiju, o nastanku grada, o njegovom imenu te osnovni podaci o stanovništvu kladanjske općine. Gradsko naselje Kladanj se pominje vrlo rano još u 12. vijeku, zatim se spominje u dubrovačkim spisima i turskim izvorima. Prostor općine Kladanj ima značajnih kulturno-historijskih spomenika koji predstavljaju vrijedne antropogene turističke motive. U šestom poglavlju ovog magistarskog rada obrađeno je stanovništvo, naselja, saobraćaj i privreda kao osnovni faktori koji utiču na razvoj turizma. U sedmom poglavlju ovog rada predstavljene su sve prirodne i antropogene turističke vrijednosti na prostoru općine Kladanj kojima ona zaista i obiluje. U osmom poglavlju predstavljeni su mogući vidovi razvoja turizma na prostoru općine Kladanj. U devetom poglavlju prezentirana je valorizacija turističkih potencijala. Valorizacija resursa u turizmu ili ocjena turističke vrijednosti nekog resursa ili prostora jedno je od najkompleksnijih pitanja turističke teorije i prakse. U desetom poglavlju data je osnovna koncepcija zaštite prirodnog i kulturno-historijskog naslijeđa i zaštita životne sredine na prostoru općine Kladanj.</p>
Datum	16.01.2015
Predsjednik	Dr.sc. Alma Kadušić, docent - Uža naučna oblast „Antropogeografija“ Prirodno-matematički fakultet Univerziteta u Tuzli
Mentor	Dr.sc. Salih Kulenović, profesor emeritus - Uža naučna oblast „Antropogeografija“ Prirodno-matematički fakultet u Tuzli
Član komisije	Dr.sc. Alen Lepirica, docent - Uža naučna oblast " Fizička geografija" Prirodno-matematički fakultet Univerziteta u Tuzli
Član komisije	-
Član komisije	-
Zamjenski član	Dr.sc. Dževad Mešanović, docent, uža naučna oblast „Antropogeografija“ Prirodno-matematički fakultet Univerziteta u Tuzli
Dodatni detalji i lokacija	Dana 16.01.2015. godine u 14 sati na Prirodno-matematičkom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.